

IN TEMPO DI ELEZIONI

DIALOGO fra due amici all' osteria

- M. - Com at piesle amigh ste vein?
P. - Bon! ma trop e zinq bulein!
M. - Te rason chi n'è na màsa
l'è trop cher, l'è per la tàsa
de governe e de cumun
chi se vend ichsè ma nun.
P. - Pazenzia e vein, ancora e pen
quand l'arriva in tel nost men
l'aumenta sempre la mità
d' quel che costa in realtà...
e an si po fe di lunerie
bsogna tol cle necesserie!
M. - Chi è la cheusa 'd tutt i dan?...
a sem nun pover barbazan!...
sa avesme un po' d' inze gn
a putresme fei ste a segn
i preputeint, i sfruttadur
làsa pu chi fossa sgnur!!
quest appun saria e mumeint
da castighei severameint...
P. - Brav Marcon! magari po!
in che mod, racconta so.
M. - Divinameint senza timor
da fei strid sit elettor?
P. - Cosa ientra al ielezion
con i discors ca fasem nun!
M. - Cos cal ientra!! t' fè per rid!...
sit o no brot invornid!?...
P. - Sa fus enca a ni vag mai
te da veda che me an sbai!...
M. - Sentiv!... tignos tutt d' una raza
e pu ia cor d' fè cagnaraza
se i lavur i va a fni mel!...
magara pez ma te Pasquel
a not po te t'è un po 'd taleint
cat ciapas un oc e un deint!...
an si voielt ca iarvinè
ma ioperai per no votè?!...
P. - No t' arschelda no Marcon?
me a dirò la mi rason,
e quand te t' mavrè convint
a ciud la bocca an degħ più gnint.
Di! se me a vag a votè!
cosa el mai ca potrò fe?
M. - Te t' vein sempre da clet mond,
da cla grota che più in fond!
Vot cat faza un istrumeint?!
chi fa al lêzi in parlameint?...
- chi fa quelli di comun?...
a ne qui ca mandam nun?!...
sa mandam dla bona zeinta
te vidrè quand iè i la dreinta
si farà quel chià da fe
a finirem da tribulè?...
P. - An credeva mai Marcon!..
t' fos andè ti mamalon!..
t' vo sperè si deputed?
cos et avù per e passed?
quant patati ciai promes
e po dop le ste l' istes!..
bsognaria es ned iersera
a cred ma lor e di cle e vera!..
Zertameint quand is preseinta
a me popul, il conteinta
con na filza d' parulun,
sa em pu fema! povra nun
se da lor a em da ricorr
a fem na bocca come un torr!..
I la a Roma is la sguaza
con de gener dla su raza
e ma nun is ha tla meint
do or dop chi se indormeint!..
Quand i ven tla su zittà
banchett i que, banchett i la,
con di burghis i va confus
in sguerda niench te mus!..
e te corr brutt oca mata
con la scheda ampi la pgnata
M. - Ma perchè a mandamm i sgnur
chi ni seint i nost dulur
che lor ià sempre trionfè?
Mandamma qui ca tribulè
di bon amigh che stè pruverd
san volem es inganned
P. - Alla larga st' iamigun!
sarà fadiga a troven un
sei foss enca appeina arriv
le l' ambient chel fa cattiv!..
E po tsi french a di mandamma
Caio, Tizio nominamma
come quant per mandei su
che dipendessa da nun do.
M. - Me e te comper Pasquel
a sareme bon 'd bev un buchel;
ma sa fosme tott unid
ca sem na masa d' invurnid
conta un po' tutt ieleltur
sa sem piò nun, oppur i sgnur

- pensa bein in circostenza
chi può avè la maggiurenza.
- P. - La maggiurenza te da veda
i la quei ca dla muneda
ma nun do brutt pataloc
ca sem spred is conta poch.
Ades at port un paragon
tam dirè sa ho rason?!
Per esempie un contadein
e lez e scriv abbastenza bein,
come elettor e vein inscritt
in fla lesta per dirett;
e ven e giornè d'elezion
si presenta e su padron
ei dis, avò quest-l'è la scheda!
arcurdev ca mand a veda!...
votè questa in presidenza
altrimeint av dagh licenza!...
ste por om el inches mai
a vutè per d'iopearai?!
È po non sol i cuntadein
iè custrett da fes vte bein,
ma iimpieghed tutt i garzun
si fa un tort a mi padrun
in tre minut i selta vea
a tribulè sla su famea!...
E quel che s'elza la matteina
ca na de su che l'eria feina
la pagnota t'vo cl'armetta
per fe bat la baionetta!?...
Persuvedte che e purett
a ne mai liber, l'è custrett
da fe zert umiliazion
can li faria pun milion
perchè e cor ei li ripugna
bso' cl'ingola zo la brogna.
- M. - Te rason an iè che di:
e per quest ta f'vò avilli?..
a formarem dal società
da per tott in qua e in la...
ma ioperai, e mi puvrett
ai farem cnos l su dirett
per rispond a me padron
quad i cnos davè rason!...
te vidrè sià un po d'insegn
chi mett insen un ent cuntegn!...
- P. - E tutt quest per imparei
quand le ora da mandei
a votè per Tizie, o Caia?
va la imbruion d'una canaia!...
bsogna proprie cat strapaza!
sla ni fussa mo cla raza...
a ni faesme ben l'istess
ma chesa nosta iinterest?!...
- M. - Quist l'è tott discurs d'avenz
te t'vo andè un po trop inenz,
se dgies an ragionamm

- me e te già an combinamm:
lassamma andè l'autorità!
una lezza lai vorrà?...
i vorrà quii cla fa osservè?
altrimeint com sal da fe?..
se un ut fa qualca sevizia
chi amministra la giustizia?!...
e popul l'ha poca sapienza
impossibil da fe senza.
- P. - Ech la storia dl'ignorenza
cla è vecia già abbastenza!
Quand ste popol la d'andè
in comuna per votè
in favor di su padrun
la più sapienza d'Salamon
se fa quel chei torna cont
l'è ignorant l'è sempre tont.
Sai guardam ben ben in fond.
Ca te degga quel clè e mond?...
L'è un castel ad buratein!...
fin che regnerà i quatrein
i più furb e i più birbun
iingolarà mi più qua....
Te Marcon va po a votè,
ma me i ma ancora da ciapè!
at garantès che da Pasquel
in bat e ciud, a ne un cuchel!...
- M. - Me a nè so sa andarò
quand le ora ai pensarò
a sentirò mi mi compagn
sil cred util e guadagn
in parlameint un sociaesta,
am farò mett a tla lesta,
si dizid diversameint
com i fa me a so conteint.
- P. - Hoo!.. come mai de gran calor
te ciaped e raffredor?
sent amigh, stam ascoltà...
sans putem emancipè
de capitel e di quattrein
an potrem mai andè bein.
E parlameint, la votazion,
la provincia ossia e comun
un solliev ma l'operai
in sarà inches a deile mai!...
A ho bisogn d'andè a dormi
che dmatteina a ho da fini
i scarpein me pret de Dom
per potè fe e galantom
do ca vagh ampi e budlon,
bona sera se Marcon?
- M. - Bona nota se Pasquel
a bivrem un ent buchel
sa ciartrovar in compagnia.
Sa voli una poesia
fasi cont che un scudein
ca ni foss a te scaslein.

G. VILLA